



## Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact [support@jstor.org](mailto:support@jstor.org).

III. *Partium Genitalium in Muliere Structura præternaturalis. Ex Epistola Viri Doctissimi Johannis Huxham, M. D. ad Jacobum Jurin, R. S. Secr.*

*Plimutho, v<sup>o</sup> Kalend. Octob. 1723.*

**A. B.** De parochia *Lanteglass* in Comit. *Cornubia*, prope *Fowye* oppidum, annos nata XXIII nupta fuit cuidam Nautæ robusto, tandemque prægnans, sibi partium male conformatarum conscia, opem imploravit chirurgicam. Sibi accersitum esse voluit Dominum *Bonnett* de *Fowye* oppido, & artis chirurgicæ, & obstetriciæ peritissimum. Ille vero perfecto denudato corpore sequentia observavit.

Loco umbilici, in medio abdomine, paululum vero inferius, prominet massa quædam spongiosa, carnis quasi offam præ se ferens, abdomini transverse incumbens, magnitudinis fere ovi gallinacei, longa autem tres digitos : ex hac duo erumpunt meatus urinarii exiles, qui urinam perpetim exstillant, quam neque vel retinere vel ejaculare potest ; hinc vesicam, (si quæ adsit) sphinctere caruisse concludendum. Spongiosa hæc mollisque massa, urinæ acrimonia corrosa, tactum fere refugit mollissimum, adeo ut incurvata obambulare coacta sit, ad dolorem a vestibis imprefsum evitandum, eamque tenuissimis linteis involvere. Hanc quidem massam funem fuisse umbilicalem male a partu abscissum, male dein curatum, existimo ; ne vel minima enim umbilici, nisi hic, apparent vestigia ; quid quod & urina per urachum pervium, & in daos

forfan

forſan tubulos diviſum, vel ſaltem per canales duos proprios, effluit. Priori potius credo opinioni; quia dantur Hiſtoriæ urinam per umbilicum in adultis etiam excretam fuiſſe atteſtantes. *Vid. Hiſt. de l'Academie Royale des Sciences, Ann. 1701.*

Hanc infra offam ſubintrat Vaginæ foramen, ab offa diſtans brevifſimo ſpatio: ex hoc effluxere Catamenia, per hoc etiam gravida facta fuit mulier, haud magnam vero tempore coitus percepit voluptatem; ſumma etiam Penis glans in hoc orificium vix fuit intromiſſa, multo minus ipſa virga. In hoc foramen digitum ægre introduxit Chirurgus, eo ſcilicet animo, ut ipſum uteri collum exploraret, quod tamen ne vel tactu percepit, plane autem deprehendit membranam craſſam hocce orificium ab altero inferiore, jam deſcribendo, ſeparantem.

Eo fere ipſo loco, ſuperius vero paululum, ubi in mulieribus rite conformatis adest ſoſſa magna, inventum fuit foramen alterum oblongum, ne vel minimi digiti apicem altius admittens, recto inteſtino, uti poſt partum obſervatum fuit, pervium (quod a ſeſtione fortaffe accidit): nullus autem hic occurrit Sphincter: inferius vero rectum inteſtinum, more ſolito, cum Sphinctere circumdato terminatur.

Orificium hoc oblongum ab orificio vaginæ, abdomine maxime tumente, duos ſaltem digitos tranverſos diſtitit, inter quæ membrana deſcripta intervenit ab inferiore parte, huiusce vero Fiſſuræ oblongæ quaſi labiorum coalitio exterius e ſuperiore foraminis parte.

Nulla hic Clitoris, hic nulla offium Pubis adfuere veſtigia, niſi, quaſi Apophyſes breviores ex utriusque offis Ilii parte inferiore protuberantes, offium Pubis rudimenta dixiſſes. Hic fuit ante partum rerum ſtatus.

Die 18 Julii 1722, hora noctis 11<sup>a</sup> advocatus est *Bonnett* Chirurgus, ut parturienti opem ferret. Perpensis omnibus, Foetum invenit Vaginæ orificium infra dilapsum, quem muliere decumbente superiora versus propellere frustra adnixus est, ob fortissimos Foetus motus & gravissimos Matris dolores, cui etiam jam supervenere Convulsiones, Syncope, &c. Vaginæ autem orificium vix ac ne vix quidem dilatatum, ita ut illi jam jam moriendum esse fuerit omnium expectatio.

In hoc miserrimo rerum statu, misericordia & humanitate adductus Chirurgus, posthabuit omnino, quid vel ignarum vulgus, vel invidus hic garriret aut hic : anceps experiendum esse remedium potius quam nullum apud se statuit, morte aliter citissimo ingruente pede.

Parentibus periculosissimum rerum statum enarravit, nil nisi a sectione expectandum, ancipitem prædixit eventum. Annuentibus hujus miserrimæ matre, & astantibus, in orificium oblongum inferius scalpellum chirurgicum introduxit, & uno ictu coalitionem labiorum hujusce orificii & membranam separantem divisit : hinc in unum coivere & orificium Vaginæ & oblongum inferius. Jam digitis facilis introitus, orificium Uteri internum attrectavit ; dilatavit paululum, caput inde sensit infantis : quid plura ? Foetus ori intruso digito, Puellulam vivam, probe formatam, mirantibus maxime astantibus, demum extraxit, quæ & adhuc & viget & valet : uti etiam & ipsa Mater, quanquam post puerperium febre graviter colluctata est.

Jam a partu prolapsu ipsius Uteri divexatur, quo prolabente nec per horas 8, 10<sup>ve</sup> reducto, eam dein si fortius intrudas, exiliunt e meatibus urinariis descrip-

tis rivuli duo ad pedis saltem distantiam ; argumentum sane Cystitidis cujusdam urinam excipientis : aliter revera suspicasset meatus istos duos urinarios ipsorum ureterum fuisse orificia, hic terminantia.

Quaerat fortasse curiosior aliquis, quo forte modo gravida facta fuit muliercula nostra. Illi responderem, Penis intrusionem ad prolem concipiendam haud absolute esse necessariam, feminis autem intra vaginam ejaculationem quam maxime. *Vid. Hist. de l'Acad. Royale des Sciences, 1712. Videatur etiam Mauriceau.*

Hujus rei narrationem tibi citius transmissem, ni diu, frustra autem haecenus, mulieris alteram graviditatem expectassemus, quum per sat longum tempus a puerperio cum marito cohabitaverit.

*Figura 9 representat mulierem gravidam.*

A A Spongiosam assimulat quasi carnis massam, quam partem fuisse chordæ umbilicalis autumo, magnitudinis fere ovi gallinacei, tres vero digitos longam. Ex hac duo erumpunt Fistulae urinae *b b*, quæ urinam perpetim exstillant, nec ex ullo alio orificio redditur urina.

*c* Orificium Vaginæ, cloacæ galli gallinacei quam simillimum, spisso quasi septo circumdatum : per hoc effluxere *ἐμύλωα*, per hoc etiam gravida facta fuit mulier. Hoc orificium, dum perpeffa fuit mulier gravissimos partus dolores, nullo fere modo dilatatum fuit, quanquam anus ipse, ob vehementissimos musculorum abdominis, &c. contractiones, maxime hiaret.

*d* Locum indicat, ubi inventum fuit foramen oblongum, minimi digiti apicem vix admittens. In hoc, tempore puerperii, Chirurgus introduxit scalpellum chirurgicum

cum, idque ab hoc in orificium superius adegit : ita ut jam a partu dehiscat monstrosum horrendum informe ingens foramen.

Orificium superius transversum ab inferiore oblongo (appropinquante partu) 2 fere digitos distat. Ex hoc magno hiatu ipsius uteri prolapsum sæpissime nunc patitur. Ex loco etiam, ubi adfuit olim orificium inferius, jam a puerperio, partim excretæ sunt Fæces alvinæ : hoc vero ante partum minimè observatum fuit, ita ut a sectione forte acciderit.

Orificium hoc oblongum paulo altius quam par est, in Figura designatur.

*e* Anum repræsentat paulo magis antrorsum quam in aliis positum : per hunc maxima fœcum pars egeritur. Pudendum hoc, quale quale, est non densè crinitum.